



حركة التحرير الوطني الفلسطيني - فتح
إقليم استراليا



تمرّة رمضان

العدد رقم 19

الغريبة

يصنف هذا الطبق من الحلويات.

مكوناته الأساسية: طحين +
سكر + زبدة + فستق حلبي أو
صنوبر للتزيين..




الماء السراب

تراه العين في القاع أي في فلاة وهو
شعاع يرى فيها نصف النهار في شدة
الحر يشبه الماء الجاري. يقول تعالى في
الآية رقم 39 من سورة النور بسم الله
الرحمن الرحيم: (والذين كفروا أعمالهم
كسراب بقيعة يحسبه الظمآن ماء) صدق
الله العظيم

شراب الجلاب

مكونات هذا الشراب :

جلاب + ماء + صنوبر + لوز مقشر + ثلج مبروش.





حركة التحرير الوطني الفلسطيني - فتح
إقليم استراليا



حكاوي ستي

حكي إزلام

مالك يا ستي بتحكي مع حالك اسم الله عليكى إيش صاير معك؟ بيه عاد تعي هون إحكي لي مين لمز علك؟ ليش قالبه بوزك؟ إسمعي يا تيتا إحنا هلقيت بدنيا جديدة في مساواة بين الشب والبنت فش إشي اسمه زلمة وحكيه صح وبنت شو بتحكي ما بتأخذ برأيها، أنا فقعت من التمييز ضد البنات هيذا أصلا ضد القانون إحنا كلنا زي بعض المرا مرات كثير بطلع حكيها مزبوط أكثر من الزلمة !

ولك طوشتيني بكلامك اللي مجعلك الله يلعن المدارس قد ما بعلموكن الحكي الناكص وكلامك هاظا كله مردود عليكى ولو إنك فاهميتوه ما كان طلع من طرف لسانك، لما نحكي حكي إزلام مش أي حكي بحكيه الزلمة اسمه حكي إزلام، في حكي بنسويه مقعد الحق ويكون عليه شهود وعقود لما بحكم القاضي وبصير تنفيذ الحكي حق محقوق وإللي تاركة قاطع لعهود وأهله ضاربينه بالعقوق بصير مش زلمة مزبوط من لسانه، يعني ما في شي اسمه حكي زلمة لأنه الزلمة زي المرا مرّات بصيب ومرات بخيب بس حكي الزلام لع هاظا حكم قاضي وعليه شهود ومكتوب بعقود ولازم يطبق على مين ما يكون زلمة وإلا مرا وإلا حتى حمولة بحالها. إمن كلامك عن المرا زي الشب هاظا بنفعلش وعشيناك مش عشين الشب، الزلمة كلامه إما عقل وإما سيف وإما كيف بس البنات كلامها إما فهم وإما حنية وإما غنج، فهم البنات بغلب عقل الشب إن كانت فصحة زي شهرزاد، وحنان البنات بغلب سيف الشب إن كانت مثل أسية مرت فرعون، وغنج البنات بغلب كيف الشب زي شجرة الدر، وإن كنتي بتكري كتب وما بتفهمني معانيها مشكلتك وقلة فهمك والله سبحانه قال من سابع سما: إن كيدهن عظيم صدق الله العظيم. فانا يا ستي لا برضى أتساوى بالزلمة ولا بحب الشب إللي بحكي زي النسوان كل جنس إله لسانه والناس متعودة إنه تسمع من الشب حكي غير ما بتسمع من البنات وكله حلو من أهله وكله بنقبل عند القاضي وبنلزم بحكي الزلام.

من عجائب الأنظمة عندنا؟؟
صدم عمودتدفع غرامة للبلدية؟



كن تأكل من مطعم وتسمح
دفع المطعم غرامة للبلدية

نستنتج :

نك انت والعمود واحد 🤔





حركة التحرير الوطني الفلسطيني - فتح
إقليم استراليا



خرافية

الصيد والحورية

مش عالأرظ خالقتنا خلقها جبلها بالسما وصبها ومشقها وقلها إنزلي عالأرظ روحي وأبواب السما خلفها غلقها قلها إنزلي عالأرظ روحي وبسر الجمال للناس بوحي، سكنها بالمى بس بتعشق السما بتصحى من الصبح تنفجرج انفتحت أبواب السما تا ترجع لأهلها، وجهها بنت أربعتاش وشعرها ساحل لحد ذيلها أه ما هياي حورية نص سمكة ونص إنسية وكانوا يسموها عروس البحر، تعرفت على دلفين زهري وصاروا أصحاب وقالها إللي بده يطلع على السما لازم يرضي ربه ورضى الرب بعمل الخير وفعل الملايح، صارت تساعد السمك والطير والصيادين وصارت معروفة إنها بالخير مجبولة وبحب السما مربوطة، كثير من السمك والبشر طلبوا إيدها بس هياي بدهاش إلا تطلع على السما عند أهلها .

ومرة من المرات كان الموج عالي وفي صياد بقاربه قاعد بطوطح ومش قادر يدوزنه ومن قوة الموج قلب القارب والصيد غرق قامت الحورية رفعتة وصارت تباطح بالموج تا وصلت جنب الشط ودفسته لإنها بتقدرش تصل الرمل ما هي ملهاش رجلين، وفي مرة بالغلط طلعت على الشط بس قعدت تزحف طول الليل تا ترجع على البحر وقالت الله لا يعيدها من ليلة الرمل بدو رجلين وأنا عندي ذيل، هياي لما دفشت الصيد تمت تبلقن بلقن تشوف زلمة يجي يساعد الصيد بس كان الشط فاضي، وهاظا الصياد مش راضي يقوم، قام نادت طير وقالت له يجيب إله كسرة خبز راح الطير يدور لها على خبزة وهي صارت تزت على الصياد مي ونادت كم محارة وختنهن يملسن عليه وهو مش قادر ولما رجع الطير طعامه الخبزة قام صحى وصار يهلهل وشاف الحورية وانبعخ نشف خاف وانهبل وبطل عارف حاله إيش يعمل، قالت له: الحمد لله على السلامة روح اتدفي عند أهلك وإدعي لي أرجع على السما، قالها: بدك جناحين تا تطيري، ردت عليه: لا أهلي هيذ شكلهم وساكنين بالسما إنت بس إدعي لي مع السلامة وتمت غاطسة بالبحر وهو ينادي عليها. رجع عند إمه وخرّفها إيش عملت الحورية قالت إمه هذه ملاك من السما الله بعثها تساعدك قد ما إنت إمنيح، بس هو صار كل يوم يروح محل ما شاف الحورية وينادي عليها ويدعي إلهها ترجع عند أهلها وصار يخرف الناس عن الحورية قديش هي إمنيحة وبتحب تساعد الناس وبدهاش إلا تدعو إلهها ترجع على السما، قام واحد قال له: إذا الحورية طلعت على السما مين بدو يصير يساعد الصيادين لما يغرقوا بلاش ندعي إلهها خليا هين تضل تساعدنا والناس ما صدقت وقالوا أه خلوها تضل تساعدنا عمرينها ما ترجع عند أهلها. صار الصياد يعيط ويدعي ربه تطلع الحورية عشرين تحكي إله كيف ممكن يرد إله جميلها وزى ما هي ساعدته يساعدها، وبليلة كان القمر بدر منور والسما صافية وهو ساجد بدعي ربه أنه يرجع الحورية عند أهلها طلعت إله قالت له: أه ما أحسن صحبتك إنت فش منك أول واحد من البشر بحس بوجعي الله يا رب ما يحرمك من أهلك، رد عليها: قولي لي كيف ممكن أساعدك لأنه الناس خايفين إذا دعوا إنك ترجعي على السما محدش يساعد الصيادين لما يغرقوا، ردت عليه: أصلا هذه شغلة الدلفين مش شغلتي وهو إللي علمني عليها وقال لي: لو إنه الناس ما يصيدوا الدلافين ويخلوهم يعيشوا جنب الشط هم بنقذوهم، ثاني يوم راح الصياد عند شيخ الصيادين وقال له هيذ وهيذ صار معي وبدك تساعدني وافق كل الصيادين وصاروا الدلافين تلعب جنب الشط ورجعوا ينقذوا الصيادين لمن يغرقوا بس الصياد ضله يدعي ربه إنه الحورية ترجع لأهلها وربى استجاب لدعائه وشافها وهي بتطير على السما قالها: سلمى على أهلك وهي قالت له رح أضل أدعي ربي عمره ما يحرمك من أهلك.





صدر حديثا

كتاب كلام رصاص

المؤلف : المؤرخ والكاتب حسام أبو النصر.

كلام رصاص" هو مجموعة من المقالات التي أراد لها الكاتب أن تكون ضمن هذا الكتاب، والتي يناقش فيها جملة من القضايا، وسبق أن نشرت في العديد من الصحف والمواقع الإلكترونية، ولكن نظرا لأهمية ما طرحه من قضايا ما زالت تحت البحث.



فراشات فلسطين

الاسم العلمي

Satyrium Myrtale

ساتيريوم مايرتال

